

AGENDRE TRINITATIS

MINGGU 02 Agustus 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

Fangowai :

SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.

SATO : Ya'ahowu !

SA : Ya faofao khömi Lowalangi...

SATO : Ya fao Khöu Geheha-Nia

Fogaoni :

SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 8**

8. MANUNÖ ITA KHÖ YEHOWA

Lala : Khö-U, khö-U Yehowa Manunödo (No. 7)

do = bes 4/4

MM = 96 - 104

1. Manunö ita khö Yehowa me no Ya ' ia. Lowalangida.
Lö ambö wa' abölö-Nia. Somasi Ia Ifalua sa.
Ifa ' aso lala wangorifi si möi fangatulö' ö zamati.
2. Nisuno Lowalangi Ama, si lö manehe na taya ita.
No Ifatenge Nono-Nia, salahida ba huku horöda.
Afu auri zamati khö-Nia, da' ö duho wa' omasi-Nia.

2. FANGA'ARO'Ö WA'OWULO (VOTUM)

SA : Da tahonogö dödöda ba wariawösa, ba ba wa hasambua khö Lowalangi, (Muzizio zato):

No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

SA : Mangandrö ita :

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 219

219. NA NO HUMEDE KHÖU ZO' AYA 1

do = es 4/4

MM = 96 - 104

1. Na no humede khöu Zo ' aya, sahakhö tödö khömö.
Me no I' ila wa te ' ala, ndra ' ugö ba horömö.
Na Isusugi dödömö, bohouni gamuatamö.
2. Ba böi so waminisa tödö, ba wangombakha horö.
Tunö, ba andrö wangatulö, khö Yesu, sangefa' ö.
Ba ogorofi horömö, falua wangesa dödö.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **II Moze 20:1-17**

1. Ba iwa'ö daroma li andrö fefu Yehowa, imane:
2. Ya'odo Yehowa Lowalangu, si no mangeheta ya'ugö ba danö Miserayi andrö, ba zi no möi sawuyu ami.
3. Böi so khömö Lowalangi tánö bö'ö, baero ndra'o.
4. Böi fazökhi khöu nadu, ba he famaedo hadia ia, he si so si yawa ba mbanua, ba he si so si tou ba guli danö, ba he si so ba nidanö, barö danö.
5. Böi angalulu khönia ba böi fosumange ia, me no Lowalangi solohu ndra'o, ya'odo andre, Yehowa, Lowalangu, sanguhuku horö ndra ama ba ndraono ba ba ma'uwu mitou, khöra si fatiu tödö khögu,
6. ba si hakhösi tödö sangomasi'ö ya'o ba solo'ö oroisagu; irugi hönö nga'ötö.
7. Böi tötöi döi Lowalangu Yehowa ba waya; lö'ö sa zi lö ihuku Yehowa zanötöi töinia ba waya.
8. Ame'egö tödö lu wolombase andrö, ba we'amoni'ö ya'ia.
9. Önö ngaluo mohalöwö ndra'ugö ba öhalö halöwöu fefu.
10. Ba ero fitu bongi, ba lu wolombase khö Lowalangu Yehowa; böi babaya hadia ia halöwö ba da'ö, he ya'ugö, ba he onou matua, ba he onou alawe, ba he sangai halöwö khöu ira matua ba he sangai halöwö khöu ira alawe, ba he uriföu, ba he si fatewu khöu ba mbanuami bakha.
11. Önö ngaluo sa mege khö Yehowa, ba wamazökhi banua si yaw~a, awö danö, awö nasi, awö nösira fefu; ba ba lu si fitu, ba no wolombase ia. Andrö wa no ifahawu'ö lu si fitu andrö Yehowa, ba no i'amoni'ö.
12. Fosumange namau, awö ninau, ena'ö anau nosou ba danö, nibe'e Lowalangu Yehowa khöu.
13. Böi ange'e.
14. Böi ohorö.
15. Böi anagö.
16. Böi böbögö khö nawöu zi lö duhu.
17. Böi isö nomo nawöu. Böi isö wo'omo nawöu ba he sangai halöw~ö khönia ira matua, ba he sangai halöwö khönia ira alawe, ba he ööröbaonia, ba he kudonia, ba he hadia ia, fefu, nibayabaya nawöu.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua ' ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA : Ya'ami ira talifusö'
Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :
He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma höröma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma höröma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

- 1. Na'ubini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

SA : **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

- 1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHUAO (AB)

- : Da tafondrondrongo daroma Li Lowalangi, tehalö moroi ba zura **II Korindro 1:15-24**
 - 15. Ba me no so khögu wanötöna da'ö, ba möido mena'ö khömi föna, ena'ö samuza tö falukha ami wa'ebua dödö.
 - 16. Ba utörö ena'ö ami, we'amöi ba Makedonia, ba na u'otarai Makedonia, ba möido zui khömi, ba ena'ö mifasao ndra'odo ba Yudaia.
 - 17. Ba hadia, me edönado da'ö hadia, no nifolau zambö era'era nilaugu? Ma na uhonogöi hadia ia, hadia tödö niha dali wangohonogöigu ya'ia, ena'ö itaria "ya'ia" ba itaria "tenga", ba khögu.
 - 18. Ba lö faröi Lowalangi, fa böi faoma lima khömi, he si no "ya'ia" ba he si "tenga".
 - 19. Ono Lowalangi andrö sa, Yesu Keriso, ni'ombakha'öma ba khömi, ya'odo ba Siliwano ba Timoteo, ba no tenga faoma, he si no "ya'ia" ba he si "tenga", no ba khönia so wa "ya'ia".
 - 20. Ha wa'oya sa gamabu'ula li Lowalangi, ba no ba khönia so wa "ya'ia", andrö wa moroi ba khönia göi wamaduhu'ö andrö, sumange Lowalangi khöma.
 - 21. Ba sangabe'e ya'aga ba ya'ami, ba khö Keriso, ba ya'ia Lowalangi, si no mamayoini ya'ita göi;
 - 22. si no manga'aro'ö göi ya'ita, si no mame'e we'ewe'e dödö andrö, Eheha andrö, ba dödöda.
 - 23. Ba u'angaröfi Lowalangi, ba nosogu andre, wa no börö wa alimagö ami khögu, wa lö si möido sa'ae khömi ba Gorindro.

24. Tenga sa lawa’ō amatōrōwama wamatimi andrō, ba no sanolo ndra’aga ena’ō falukha ami wa’omuso dōdō; noa sa abe’e ami wamati.

Ya’ahowu zamondrongo taroma li Lowalangi ba same’e ba dōdō.

SA+SATO : Yaduhu

8. FASÖMBATA

Iada’e tebe’e khōda ginötō ba wolohe fasömbata si sambua ni ofulu khō Lowalangi. Nidōnia’ō Pendeta Pengkhotbah.

Iada’e tebe’e khōda ginötō ba wolohe fasömbata khō Lowalangi. Ta’osamuzaigō wame’e, he fasömbata si föfōna, ba simanō göi zi mendrua awō zi medölu. Ba si föfōna ua da tafondrondrongo Li Lowalangi me imane:

- ❖ Same’e sumange fangandrō saohagölö, da’ō zamolakhömi Ya’odo, ba zi lö sinegu ba mbuabuania U’oroma’ō wangorifi andrō khō Lowalangi.

SA : Tafa’ema wasömbata khō Lowalangi, manunō ita moroi ba Mbuku Zinunō Numero 269

269. KERISO YESU FONDREGE ZI SÖKHI 1

do = es 4/4
MM = 96 – 104

1. Keriso Yesu, fondrege zi sökhi, ba fondrege zalaŵa.
Ya khō-U dōdōgu, ba fa ’ aurigu, irugi ba gamozua.
2. He sökhi haga luo awō mbaŵa, ba döfi ba mbanua.
Ba haga Yesu, zabölö sökhi, me ihagaini dōdōda.
3. Fefu lakhömi, ba gulidanöda, lö ara ba no taya.
Lakhömi Yesu, zi lö tebulö irugi ba gamozua.
4. He na tasöndra wa’ omasi niha, lö aro lö göi ara.
Ha fa’ omasi Yesu Keriso, zi lö tebulö he ara.
5. Haga Zo’ aya möi fangorifida, na tatema’ ö ia.
I’ oroma’ ö zindruhu lala saekhu ba zorugo yaŵa.

Na no awai la’owuloi/lafa’ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la’o’ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA’E ZUMANGE 1

Ira’alawe□

1. Ya ’ e zumange fasömbata, ma ’ ohe sumange Yehowa.
Iramatua
Reff :Ma’andrö khö-U fahowu’ö zumange ni ’ohema khö-Mö
2. Ya’e zumange fasömbata mabe’e soroi ba dōdōma.
Reff : Ma’andrö khö-U
3. Ya’e zumange fasömbata buala si’otarai Nama.
Reff : Ma’andrö khö-U
4. Ya’e zumange fasömbata, boto, noso, ba fa’aurima
Reff : Ma’andrö khö-U
5. Ya’e zumange fasömbata, lö irugi zomasi dōdō-U.
Reff : Ma’andrö khö-U
6. Ya’e zumange fasömbata, ma’aohasi gölö Zo’aya.
Reff : Ma’andrö khö-U

FANGANDRÖ : (*Fangandrö nidônia 'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

8. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
a. Koor Jemaat
b. Kegiata Komisi Perempuan
c. Kegiata sektor 2
d.

9. MANUNÖ

SA : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

- Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUAO SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
a. Fombaso taroma Li Lowalangi *Yosua / Yosua 21:43-45 (Tuho Migu:Fefu Mbu'u Li Yehowa A'oi Itörö / Semua Janji Tuhan Dipenuhi)*
b. Fanuriaigö
c. Nitano ba dödö. *II Korindro / 2 Korintus 1:20a (Ha wa'oya sa gamabu'ula li Lowalangi, ba no bakhö-Nia so wa "Ya'ia". /Sebab Kristus adalah "Ya" bagi semua janji Allah.)*
d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU ²

- No mafondrondrongo li-U, Lowalangi So 'aya.
Tanö ba dödöma ia, fa böi olifuga.
Fahowu 'ö ia khöma, ena 'ö ohahau dödöma fefu.
Heta ba dödö zi lö sökhi, ma'o 'ö niwa 'ö-U.

11. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

SA+SATO : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö

Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.

- ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

14. MANUNÖ

SA : Manunö ita moroi ba Mbuku Zinunö **numero: 255 ayati 1-2**

255. AMADA LOWALANGIDA 1

do = es 3/4

MM = 76 - 84

1. Amada, Lowalangida, si lö tebulö ya'wada.
Ya ' ia Wondrege Zala'wa, ba sondrorogö ya ' ita.
2. Fefu ngawalö zonoso, oi Yehowa zanga' aso.
Ba sinanö fefu ba danö, Ya' ia zamatumbu' ö.

15. FANGANDRÖ SALAHI + FAMATENGGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : FAMATENGGE + HOWUHOWU :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'la ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **255 ayati 3**

255. AMADA LOWALANGIDA 1

do = es 3/4

MM = 76 - 84

3. Si sara bu ba högöda, anehe Nama na taya.
Lö mbinimbini khö Zo' aya, me oi oroma, khö-Nia.

SH : YA'AHOWU

SATO : YA'AHOWU